

## **Hiärrá täsivääldi president, pyereh juhlekyesih**

Tiervâpuáttim kulttuurkuávdáš Sajos kulttuurehidân. Taat eehid lii eromâš tehálâš mijjân puohháid aanaarlíjd, sämmilíjd já tavekuávlu ulmuid. Kulttuurkuávdáš Sajos ij lah tuše táálu, mast láá seeinih já káttu.

Taat táálu lii čuuvtij eenâb. Taat táálu tuálá siste taggaar kulttuurčokkânem, mast šaddeh leđe kuháskyedde vaikuttâsah taan kuávlu ulmuid ij tuše tääl mut luuvij iivij kiäčán, joba čuođij iiv ij kiäčán.

Mist sämmilijn láá ennuu párnááh, nuuvtpa taan táálost lii livkkáht já vijđáht tuáimee párnáikulttuurkuávdáš Mánnu. Mijjân láá juáiguseh, leud' deh, liivđeh, lavluuh já eres muusik teháliih, nuuvtpa taan táálost lii muusikkuávdáš.

Mist láá muštâlusah já mainâseh tehálâš roolist kulttuur siäilutmist já sirdemist, taan táálost tuáimá sâmikirjerááju. Mij muštâlep mainâsijd še uđđâ teknologiain – Sajos lii päikki algâalmu gj elleekovekuávdázân Skaamân. Kiedâi tááiduh kyeddih jieijâs uásild já láá kulttuur uáinojeijee uási. Tyejiservi tuálá Duodji -puuvdâs táálost. Ulmui pyereestvaijeem lii tehálâš uási kulttuur, Sajosist láá toimâsajeh Samisoster -siärván.

Säämi máttááttâskuávdáá sâmikielâ já kulttuur máttááttâsajeh láá taan vuossâmuu keerdist. Mist máttááttuvvoo tave-, aanaar- já nuorttâsâmikielâ nuuvt ärbivuáválii luokkamáttááttâsâst ko ain eenâb virtuaallávt. Virtuaalmáttááttâskuávdázân láá Sajosist eromâš sajah, sárnuhánnáá mediamáttááttâsâst uđđâ maan gâkamerastudioinis já editistimvistijnis.

Nuuvtko lii ettum, taat táálu lii maan gâpiälâsâš kulttuurčokkânem, mast mij lep iiloost. Tiervâpuáttim vala ohtii Kulttuurkuávdáš Sajos kulttuurehidân.